

PEMBERITAHUAN PERTANYAAN DEWAN RAKYAT

PERTANYAAN : BERTULIS

DARIPADA : YB TUAN MOHAMED HANIPA BIN MAIDIN

SOALAN : NO. 415

YB Tuan Mohamed Hanipa bin Maidin [Sepang] minta MENTERI PENDIDIKAN TINGGI menyatakan :-

(a) berapa banyak Universiti Awam dan swasta di negara ini yang masih dibenarkan menawar kursus ijazah Undang-undang yang masih tidak diiktiraf oleh Majlis Peguam; dan

(b) adakah Kerajaan bersedia untuk meminda undang-undang bagi mengenakan hukuman seperti denda atau ganti rugi kepada mana-mana universiti atau kolej yang menawarkan apa-apa kursus yang tidak diiktiraf supaya para pelajar dan ibu bapa tidak dianiayai.

JAWAPAN

Tuan Yang di-Pertua,

Untuk makluman Ahli Yang Berhormat, semua kursus undang-undang yang ditawarkan oleh Institusi Pendidikan Tinggi (IPT) perlu mendapat pengiktirafan daripada Lembaga Kelayakan Profesion Undang-undang (LKPU) di bawah Akta Profesion Undang-undang 1976 (Akta 166).

Pada masa ini, Universiti Sains Islam Malaysia (USIM) mempunyai pengiktirafan sementara dan lawatan pengiktirafan penuh akan diadakan pada bulan Disember 2016 oleh LKPU untuk menilai program yang ditawarkan USIM. Bagi Institusi Pendidikan Tinggi Swasta, penawaran program pengajian adalah tertakluk di bawah peruntukan Akta Institusi Pendidikan Tinggi Swasta 1996 (Akta 555). Kementerian

Pendidikan Tinggi sentiasa melaksanakan pemantauan ke atas IPT bagi memastikan peruntukan dan peraturan-peraturan yang dibuat adalah dipatuhi.

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT TUAN MOHAMED
HANIPA BIN MAIDIN [SEPANG]**

SOALAN : 416

**YB Tuan Mohamed Hanipa bin Maidin [Sepang] minta PERDANA
MENTERI menyatakan :-**

- (a) jumlah kos 'maintenance' setiap bulan kediaman rasmi Perdana Menteri dan Timbalan Perdana Menteri di Putrajaya; dan
- (b) sejak kediaman rasmi Perdana Menteri dan Timbalan Perdana Menteri siap dibina, telah berapa kali kerja-kerja pengubahsuaian dibuat, jenis dan bentuk pengubahsuaian itu, jumlah kos setiap kali pengubahsuaian dibuat dan nama-nama kontraktor yang diberikan kontrak setiap satu pengubahsuaian itu.

SULIT

JAWAPAN: YB DATO' SRI AZALINA BINTI DATO' OTHMAN SAID
MENTERI DI JABATAN PERDANA MENTERI

Tuan Yang di-Pertua,

Jumlah kos penyelenggaraan setiap bulan bagi tahun 2015 di Kediaman Rasmi Perdana Menteri dan Timbalan Perdana Menteri adalah berdasarkan nilai kontrak yang telah dipersetujui dengan syarikat penyelenggaraan. Potongan akan dilaksanakan secara bulanan sekiranya terdapat skop kontrak yang tidak dipatuhi dan tidak mencapai tahap yang ditetapkan. Skop kerja-kerja penyelenggaraan adalah seperti penyelenggaraan sivil dan struktur, arkitek, pembersihan dan pencucian, kawalan serangga perosak, mekanikal dan elektrik.

Sekian. Terima kasih.